



Broj: 09-20/1-11-2-3214/23
Sarajevo, 21.12. 2023. godine

Na osnovu člana 43. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama („Službeni glasnik BiH“ broj: 39/14 i 59/22) i preporuke Komisije za provođenje konkurentskih i pregovaračkih postupaka nabavki u 2023. godini, direktor po Rješenju o ovlaštenju Vlade Federacije Bosne i Hercegovine, V. broj: 1597/23 od 07.11.2023. godine („Službene novine F BiH“ broj: 87/23), d o n o s i

O D L U K U
o izboru najpovoljnijeg ponuđača za javnu nabavku
Nabavka usluga tehničkog pregleda i registracije vozila

I

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka usluga tehničkog pregleda i registracije vozila“, te se ugovor dodjeljuje ponuđaču „Centrotrans“ d.d. Sarajevo, čija cijena ponude iznosi) iznosi **40.538,20 KM** bez PDV-a, odnosno **38.056,16 KM** sa uključenim popustom i PDV-om.

II

Po okončanju roka za žalbu Ugovorni organ će pozvati izabranog ponuđača radi zaključivanja Ugovora.

III

Odabrani ponuđač dužan je u roku od pet (5) dana dostaviti tražene dokaze u skladu sa tačkom 2. tenderske dokumentacije.

IV

Za izvršenje Odluke zadužuje se Sektor za materijalno- finansijske poslove.

V

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI

Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka usluga tehničkog pregleda i registracije vozila“, broj Obavještenja o javnoj nabavci: 1412-7-2-368-3-164/23, objavljeno na portalu javnih nabavki dana 29.11.2023. godine.

Javna nabavka je provedena putem konkurentskog zahtjeva za dostavu ponuda.

Procjenjena ukupna vrijednost ugovora iznosi 46.000,00 KM bez PDV-a za 24 mjeseca (2 godine).

Postupak je provela Komisija za provođenje konkurentskih i pregovaračkih postupaka nabavki u 2023. godini, broj Rješenja o imenovanju 09-19/1-30-2-24 od 04.01.2023. godine i 09-19/1-30-2-24/23 od 30.06.2023. godine.

U postupku je utvrđeno da je preporuka Komisije o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, a o čemu je sačinila odgovarajuće zapisnike, u kojima je utvrđeno sljedeće:

- da su zaprimljene tri (3) ponude, koje su ujedno i blagovremene, i to ponuđača: „Centrotrans“ d.d. Sarajevo, „Autocentar BH“ d.o.o. Sarajevo i „OSING-osiguranje inženjering“ d.o.o. Sarajevo,
- da nije bilo neblagovremeno zaprimljenih ponuda,
- da je Komisija konstatovala da je ponuda ponuđača: „Centrotrans“ d.d. Sarajevo **prihvatljiva**, te da ista ispunjava sve tražene uslove iz tenderske dokumentacije,
- da je Komisija konstatovala da je ponuda ponuđača: „Autocentar BH“ d.o.o. Sarajevo **neppravilna**, iz sljedećeg razloga: Ponuda nije u skladu sa tačkom 1.9. Tenderske dokumentacije. U navedenoj tački jasno je navedeno šta se podrazumijeva pod traženom uslugom registracije vozila (ista obuhvata kompletiranje dokumentacije za motorno vozilo, odnošenje predmeta u nadležno Ministarstvo unutrašnjih poslova i **uplatu odgovarajućih dažbina**, osim osiguranja vozila-polica) i tehničkog pregleda vozila (isto obuhvata tehnički pregled vozila u skladu sa važećim zakonskim propisima u BiH). Ponuđač „Autocentar BH“ d.o.o. Sarajevo je u Obrazcu za cijenu ponude-usluge (Aneks II) za stavku Usluga registracije vozila ponudio cijenu 0,00 KM. Obzirom na navedeno Komisija je aktom zatražila pojašnjenje ponude u pogledu ponuđene usluge registracije vozila tj. da li navedena cijena znači da nije ponuđena usluga registracije vozila ili je navedena usluga besplatna. Ponuđač je u svom odgovoru, koji je zaprimljen dana 14.12.2023. godine, naveo da ponuđena cijena ne podrazumjeva dažbine koje se plaćaju državi prilikom registracije vozila (zaprimljeni odgovor se nalazi u spisu predmeta). Iz navedenog odgovora jasno je da navedena ponuda nije potpuna i da nije u skladu sa tenderskom dokumentacijom, te se ista odbacuje i ne ulazi u dalju evaluaciju.
- da je Komisija konstatovala da je ponuda ponuđača: OSING-osiguranje inženjering“ d.o.o. Sarajevo **neprihvatljiva**, iz sljedećeg razloga: Ponuđena cijena prelazi planirana odnosno osigurana novčana sredstva Ugovornog organa. Tačkom 1.12 Tenderske dokumentacije nedvojbeno je navedeno da se procijenjena vrijednost nabavke od 46.000,00 bez PDV-a odnosi na period od 24 mjeseca (2 godine). Naime, uvidom u Obrazac za cijenu ponude-usluge –Anex II Komisija je utvrdila da se ponuđeni iznos od 36.448,49 sa uključenim popustom bez PDV-a odnosi za period od 12 mjeseci (1 godina), te je u istom Obrazcu

jasno navedeno da je ponuđeni iznos za 24 mjeseca (2 godine) **veći od procijenjene vrijednosti nabavke**. Iz navedenog razloga ponuda ponuđača „OSING-osiguranje inženjering“ d.o.o. Sarajevo se odbacuje i ista ne ulazi u dalju evaluaciju.

- da je Komisija u cilju ispravnosti cijena navedenih u obrascu Aneks II-specifikacija motornih vozila, izvršila matematsku kontrolu prihvatljive ponude PONUĐAČA „Centrotrans“ d.d. Sarajevo te utvrdila sljedeće:

1.) navedeno je da je ukupna jedinična cijena tehničkog pregleda bez PDV-a, za 12 mjeseci, 11.248,27 KM, dok se zbirom jediničnih cijena dobija iznos od 11.279,37 KM. Pored navedenog kada se od ponuđenog iznosa od 11.248,27 KM oduzme ponuđeni popust od 2.699,58 KM ne dobija se ispravna cijena ponude sa uključenim popustom bez PDV-a,

2.) navedeno je da je ukupna jedinična cijena za usluge registracije bez PDV-a, za 12 mjeseci, 8.988,95 KM, dok se zbirom pojedinačnih cijena dobija iznos od 8.989,73 KM,

te je Komisija o navedenom obavijestila ponuđača „Centrotrans“ d.d. Sarajevo i zatražila saglasnost za ispravku greške u skladu sa jediničnim cijenama, kao i dostavljanje drugih podataka koje su posljedica navedenih računskih greški.

- da je ponuđač: „Centrotrans“ d.d. Sarajevo, 18.12.2023. godine, dostavio saglasnost za ispravku računске greške broj: 1/6438/23 od 14.12.2023. godine u skladu sa jediničnim cijenama, te su dostavljeni i drugi ispravljeni podaci koji su bili posljedica računске greške,
- da je Komisija u predmetnom postupku javne nabavke, u skladu sa kriterijumom za dodjelu ugovora (u konkretnom postupku nabavke – ekonomski najpovoljnija ponuda), dala preporuku o izboru najpovoljnijeg ponuđača i to ponuđača „Centrotrans“ d.d. Sarajevo, čija cijena ponude za period od 24 mjeseca (2 godine) iznosi 40.538,20 KM bez PDV-a, odnosno 38.056,16 KM sa uključenim popustom i PDV-om.

Iz navedenih razloga, a primjenom člana 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.



Dostaviti:

- Sektor za mat. fin. poslove
- ponuđačima
- u spis